

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 182. Congregatio de secunda Pontificis fuga.

[urn:nbn:de:hbz:466:1-66281](#)

Sæcul. XV.
A.C. 1415.

§. CLXXXI.

*Concilium a Joanne per epistolam de
ipsius fuga edictum.*

Idem p. 93. Antequam Sessio celebraretur, Joannes fugam suam Lauffenburgum arreptam Patribus denunciat, disertis verbis memorans: se Scaphusia discessisse, cum timeret, ne ibidem captivus detineretur, nec non ea, quæ in bonum unionis promis- set, exequi prohiberetur. In eadem Bulla, ut Imperatori & Concilio majorem conflaret invidiam, subjunxit, quod nec illa, quæ sibi Constantiæ imminebant, pericula formidasset, sed libenter quævis subiisset discrimina, nisi veritus, ne Benedictus & Gregorius comperta ejus custodia, ex tali ausu occasionem captantes, se a cessione Papatus retraherent, & schisma diutius alerent.

§. CLXXXII.

*Congregatio de secunda Pontificis
fuga.*

Idem p. 94. Hæc Bulla non modice turbatos reddidit Cardinalcs, spem inter & metum fluctuantes. Hinc enim per repetitam Pontificis fugam Concilium dissolutum iri gaudebant, illinc vero per diuturniorem

niorem ejus absentiam suas dignitates a-
mittere timebant. Quid igitur factu o-
pus esset, ancipites hærebant. Nihilo-
minus tamen non pauci eorum Synodi
dissolutionem temere sperantes ad Joan-
nem se conferunt. Quorum intellecto
consilio Imperator Generalem Congre-
gationem indicendam censuit, in qua Ar-
chiepiscopus Rhemensis de legatione sua
ad Pontificem iteratam deferret relatio-
nem, eo fine, ut Bulla cum Archiepisco-
pi verbis collata Joannis inconstantiam
omnibus palam faceret. Rhemensis id
suæ adjecit relationi, Cardinalem de
Chalanto ad se venisse, ac nomine Ponti-
ficiis sibi præcepisse, significaret Sigismundo,
se non metu, vi, nec Imperatoris o-
dio compulsum Constantiam deseruisse;
sed unice, ut clementiori aura valetudi-
ni suæ consuleret, seque omnia, quæ in
Concilio promisisset, prompte executu-
rum, tantoque in Imperatorem amore fer-
ri, ut illo Niciam ad colloquium cum
Petro de Luna proficidente, itineris co-
mes esse desideraret, ibidem mutuo stu-
dio unionem promoturus. Cardinalis
iste tum temporis præsens, de narrati ve-
ritate testatus est, affirmans, sibi etiam a
Papa injunctum esse, ut referret, ab ipso
non quidem ex metu violentiæ ab Im-
peratore, bene tamen a suorum Aulico-
rum nonnullis sibi inferendæ fugam esse

Gg 5 arre-

Sæcul. XV. arreptam. De hac Archiepiscopi relatione Sigismundus, & Franciæ Legati A.C. 1415 instrumentum confici jusserunt. Dein de aliis cauſis actum est, tresque nomi nati fuere Commissarii, qui a Concilio re cedentium rationes discuterent, eosque, qui absque impetrata venia ab eo disces furi effent, castigarent.

§. CLXXXIII.

Sessione V.

Labbe Conc. Die Sabbati sexta Aprilis quintam ce lebrant Sessionem. Præfuit Cardi nalis Ursinus assistantibus septem aliis Cardinalibus, nimirum Laudensi, Aquile jensi, S. Marci, de Chalanto, Pisano, de Salutiis & Florentino. Cardinales vero Cameracensis, Vivariensis, Venetus, & de Flisco, licet Constantiæ agerent, non intererant, cuius absentia ratio ignora tur. Prima Patrum cura eo tendebat, ut articuli jam in quarta sessione lecti ite rato recitarentur: cum vero Florentinus Cardinalis eos relegere detrectasset, hæc provincia Episcopo Posnaniensi demandata est.

§. CLXXXIV.

Præcedentis Sessionis decreta, aliaque approbata.

Vander Hardt tom. 4 p. 98. Si Schelstrato fides, quorumdam con tentio de forma, qua hi articuli expo neban-